

في بيتنا شجر الثوت

الطبعة
2



أشعار بالعامية المصرية

د. نهاد إبراهيم



دار العلوم للنشر والتوزيع

شعر عامية

فى بيننا شجر النوت..

الطبعة الثانية

د. نهاد إبراهيم

٢٠١٨

دار
النشر
للنشر والتوزيع

شكلي في بيتنا شجر التوت . .

المؤلف : د. نهاد إبراهيم

الطبعة الثانية : يناير ٢٠١٨

التنسيق الداخلي : رفعت حسن سيد

دار العلوم للنشر والتوزيع

ص . ب : ٢٠٢ محمد فريد ١١٥١٨

هاتف : ٠١١٤٤٧٦٤٠٠٠

الموقع الإلكتروني : www.dareloloom.com

البريد الإلكتروني : daraloom@hotmail.com

[Facebook.com/dareloloom](https://www.facebook.com/dareloloom)

Twiter : @dareloloom

جميع الحقوق محفوظة

رقم الإيداع : ٢٨٧٣٧ / ٢٠١٧

الترقيم الدولي : ٩٧٨-٩٧٧-٣٨٠-٥٣٨٨

دار
العلوم
للنشر والتوزيع

إن الآراء الواردة في هذا الكتاب لا تعبر بالضرورة عن رأى دار العلوم للنشر والتوزيع .

يمنع نسخ أو استعمال أي جزء من هذا الكتاب بأية وسيلة تصويرية أو إلكترونية أو ميكانيكية بما فيه التسجيل الفوتوغرافي والتسجيل على أشرطة أو أقراص مقروءة أو بأية وسيلة نشر أخرى بما فيها حفظ المعلومات، واسترجاعها من دون إذن خطي من الناشر

إلى عصفور جنة التوت


كلمة

أعترف أنني كائن كسول جدا بشكل وحش..

لكننى صديقة وفية لأصدقائى الأوفياء ولكلمات شعري الطيبة، وهى التى تلح علىّ فى الخروج إلى الحياة منذ سنوات طويلة.. تقترب من نصف عمرى الطويل القصير.

لم تيأس أشعارى من طرق الباب داخلى بعنف بكافة الوسائل المهذبة وغير ال..، حتى أوشكت فى النهاية أن تهدم المعبد بأبوابه الأمامية والخلفية بتوحش مخيف فوق رأسى المسالم. وبعد تهديد سافر وأخير بالانفجار والقيام بعملية انتحارية تلوح بالفراق الأبدى، نجحت مساعيها وحررت نفسها بنفسها من وراء أسوار سطور أوراقى، المترصة بهدوء وتكاسل بالعدوى فى منزلى وحيدة لا يعرفها أحد إلا قلة قليلة للغاية، بما فيهم مؤلفة هذه الأشعار نفسها.

يوما ما سألتنى أصدقائى.. إلى متى هذا السكون الطويل ولماذا؟! خذلتنى كلماتى فى الإجابة.. لحظتها أدركت أن تهديدات قصائدى فى هجرى إلى الأبد جادة بالفعل، فأطلقت سراحها من أجلها، كنوع من الشكر لأصدقائى الحقيقين، الذين تحمّلوا كسلى الإبداعى القاتل بصبر أيوب الجميل، ولهم الجنة ألف مرّة وإيهم القطرة الرابعة للمرة الثانية..



كأنه كان ياما كان..

قالوا الحبيب ببعدي؟

قلت ما بيغوت

والحب ما هو بيدّي

لا ليه معاد ولا صوت

قالوا اللي باعك بيعه

كأنه كان ياما كان

سألت قلبي وقاللي

يا معاه أعيش

يا إما راح اموت..

قولوا آمين

سألونى إسمك إيه؟
حبيبو عم أمين
كدا هو جارك حزين
وسايبه ليه يا أمين؟!؟!
قلبك دا إيه حجر
باين عليه مسكين
سألت عقلى وقاللى
دا جارى خاين
إلهى يرحل.. قولوا آمين

زعلان

فى بيتنا شجر التوت
زعلان ما بيسلّم
سألت ورق التوت
حليف ما يتكلّم..
أصل اللى كان مراعيه
سافر فى قطر التوت
يسى وعوده ليه
دبل وسابه يموت
وراح زمان التوت!

يا بوى

فنان يا بوى
وصوتى كله حنيّة
بغنى للطيبين
وابسطهم بالفعل والنية
الناس فى ضوافر الدنيا
راكبين..
متشعبطين...
ولوحدى انا بنور طريقى
بفوانيس دموع عنيّا

شبر ف شبر

صابر يا ناس
وعايش عمرى مستنى
على كرسى شبر ف شبر
بناغيش روحى وبغنى
أنا ذنبى إيه
وضيوف الدنيا أمم؟
رايحين.....
جايين.....
يدوسوا وشى المحنى
لَهْفُوا نصيبى
صادوا كل أحلامى
وانا المؤدب أوى
مُت محروق دمی!

من يومئها

خرجت ف يوم أهتف
والفُ في مظاهرة
شافتني أمي
حلّفتني بسِتنا الطاهرة
الحيط يا إبنى أمان
ومش غدار
إمشى جزاه وعِدْ
من مِيَّة لحد عَشْرَة
هتوصل سالم غانم
وتلوف البيضا والشقرا
عَمَلت بالوصية
وياريتني ما خدت بيها..
من يومئها
كل ما امشى
جنب أقرب حيط
أبص لروحي
ألاقي ضلّى بقرة!!

رفعت راسى

للدنيا دى أنا جيت
فى يوم حر وبرد
لقيونى نَفَسِي طويل
كتبوا إسمى نفوسة

رفعت راسى أحبى
كعبلى شوك الورد
جرحنى.. واعتذرلى
ونيمنى مقموصة!

أنا شيلت رجلى لفوق
ألا الأرضية برد
حصّنت تحتى تمام
هَبَشْتِ كَتَفِي ناموسة!

مشيت فوق دماغى
أدور على يوم سعد
بيقولوا السعد وعد
وانا جوايا مفروسة

لَقِيتُ عَلَى رُكْبَتَيْنِي
عَمَلْتُ لِرُوحِي جَرْدَ
فَتَشْتِ فِي الْمَخَازِنِ
لَقِيتُنِي نَاقِصَةً بَوْسَةً

مَا هِيَ دَى أَوَّلِ هَدِيَّةٍ
حَطِيطَهَا فِي جَيْبِ الدُّنْيَا..
كَانَ يُفْسِي تَحْبِنِي
وَتَشُوفُنِي لِابْسَةِ عُرُوسَةٍ

يُظْهَرُ مَا عَجَبْتُهَا ش!
مَسَحَتِ بَوْسَتِي بِرُجْلِيهَا
نَفَخَتِ شَمْعَتِي جَوَايَا
وَسَابَتُنِي فِي عَتَمَةِ وَحُوسَةٍ!

عُقد الفل

فى إشارة المرور
وقُفِّت جنبى بنوثة
قالتلى..
تشتري عُقد؟
خدى منى الفل يا فل..
دا ريحته ولا البسكوت
بصيت فى وشها لحظة
ودانها صغنة
زى ودان السفروت
ولقيتها تشبه حد
عزيز عليّا موت

دى ذكرى جوا مراية؟
ولّا الزمان الشقى
أبو قلب ساعات حنين
رجعنى ميت حوداية؟!

سألت...
إسمك إيه؟
جاوبتنى بس نسيت

منها أخذت العُقدَيْن
كانوا آخر عُقدَيْن..

دردشت معها شوية
ما هى الإشارة طويلة
وف وسط ما بتتكلم
شوفت رموشها طويلة
مرسومة نص دايرة
متفقة مع بعضها
تعمل نوبات حراسة
تحمى عنها الجميلة

واما ضُحِيت على كلمة
حسَّيت الفل اتبرجل
فى إيديها من حلاوتها
مكسوف منها لكنه
من تحت لتحت يسبِّل
يظهر حافظ سكتها
ما بقتش عارفة أحد
العُقد اللى شايلاه
هو مسلَّفها حلاوتُه
ولَّا البنت البنوتة

مِسْلَفَاه شَقَاوَتُهُ!
لَتَنِينَ قُلُوبِهِمْ بِيضَا
فَلْ وَشَايِلْ فَلْ
جَنِينَةُ فَاتِحَةُ ضَرْفَتِهَا

مِنْهَا اشْتَرَيْتِ عُقْدِينَ
كَانُوا آخِرَ عُقْدِينَ
بِيَاضِ الْفَلِّ جَنَانِ
وَاحِدَ عُلَّقَتِهِ فِ قَلْبِي
وَالثَّانِي هَدَيْتِهَا بِيَه
رَمَيْتِنِي بِنَظَرَةٍ غَرِيبَةٍ
شَفَايِفَهَا سَكَّتَتْ خَالِصَ
وَعْنِيهَا بِيرَ كَلَامِ
رَشَقَاتِ جَوَايَا سَهْمِ
مَعْصُورِ حُبِّ وَحْنَانِ..

فَجَاءَ الْإِشَارَةُ فَتَحَتْ
مِنْ غَيْرِ أَى اسْتِئْذَانِ
جَرَيْتِ بَعْقَدِ الْفَلِّ
وَقُفِّتِ عَرَبِيَّةَ وَرَايَا
صَاحِبِهَا طَلَّعَ وَرَقَةً
حَاجَةً ضَخْمَةً كَبِيرَةً

باين فلوسه كتيرة
أكثر منى إيبيببييه!
دا كله تمن العُقْد؟؟
ولّا الحكاية إيببييه؟!

لكن البنت البنوتة
بصيتلى فى المراية
نفس النظرة الغريبة
كأن عليها دين
ردّت إيده بفلوسها
وقالتله ثلاث كلمات
العُقْد مُش للبيع..

وشنبه تحت أنفه
لَزَقَيْنِه بالسُّلُوتِيب
صَوَابَعِي مِنْ رَعَشَتِهَا
نَفَّشْتِ كَمَا اللَّيْلَاب
قَرَّتْ كُلَّ الْكِتَاب
أَسْرَعَ مِ الصَّوْتِ وَالضَّوْءِ
مِ الْجِلْدَةِ لِحْدِ الْجِلْدَةِ
مَا هُوَ دَا لُقَا الْأَحْبَابِ

إِيِيِيِيِيِيِيِيِيِي يَا عَمِّ شَارْلِي..
الْوَقْتُ مَرَّ عَلَيَّا
وَقَفَّشْتِ رُوحِي بِضَحْكِ!!!!
غَرِيبَةِ الْمَسْأَلَةِ دِيَّا..
دَا أَنَا مِنْ زَمَانٍ مَاضَحَكْتَش
مَشْ فَآكِرْ يِيَجِي مِنْ إِمْتِي
يَعْنِي هَضْحُكَ لَمِين؟؟
وَأَنَا عَايشٌ وَحْدِي حَزِينٌ
يَا بَخْتِ الْعَمِّ شَارْلِي
كَانَ دَائِمًا عَايشٌ يَضْحَكُ
وَيَخْلِي غَيْرَهُ يَضْحَكُ
كَانَ أَحْسَنَ حَاجَةٍ فِيهِ
مَهْمَا يَزْعَلُ وَيَزْمَجِر..

يعيش اليوم بيومه
ومغيش مانع فى الزنقة
يركن وينام بهدومه
والله عنده حق
عهد أخذته على نفسى
من ساعة اللحظة ديّا
أنا مش هبطل ضحك
عليهم مش على نفسى
ويجرى مهما يجرى
اللى فى علمه هيتم
دلوقتي انا عارف نفسى

خدت الكتاب فى حضنى
والضحكة قرشيت وشى
نسيت كل اللى ظلمنى
ربنا يدك العمر
تصبح على خير يا شارلى..

بر نيطة موق؟؟!!

جوزى الله يسامحه
لَفَغْنى المحلات
وَقَفْنى كدا بالأمر
قدام الفترينات
قال إيه..؟؟
مزاجه إيه..!!
يشترى بر نيطة موق
هدية عيد جوازنا
يا ريتنا ما كنا خرجنا!!

آيوة الهدية لِّيا
والله كتر خير
لكن يا ناس حرام!
حَد يقول الله حرام!!
ما حبش سيرة الموق..
دا لون بيعصبنى
تقاطيعه بتكهربنى
بَحس فيه بالغل
ورايأ مستقصدنى!
والنبي يا حبيبي ارحمنى..

يا روحى الناس أذواق
أنا حرة فى اختياراتى
لو مش عاجبك طلقنى..

أنا سِت يا سيدى عتيقة..
إنشالا يكون اللون دا
لوحدہ ابن ذوات
وبقية الألوان بيئة..
يا باشا.. يا أستاذ
يا جوزى مابطبقهوش
هيجب ربابة واغنى
يا ربى ف وسط الناس؟!
الليس دا مزاج
حاجة كدا بالإحساس..

دلوقتى بس عرفت
إيه معنى الواحد يد
زى الديك المنتوف
مدبوح لوحدہ ف مالطة...
وكإنى ما اتكلمت!
وكإنى ما اتهبيت!!
والآخر جابها برضة

وأصر إني البسها
فى حفلة المدير..
تلك البرنيطة الموف!!
كل دا علشان مديره
بيحب اللون الموف..

والآخر لما رجعنا
دخل جنبه نام
طبعاً مزاحه رايق
مظبوط آخر تمام..
قعدت لوحدى افكر
يا ترى زعلانة ليه؟؟؟
أصل الحكاية إيه؟؟؟
هو انا كارهة البرنيطة
علشان اللون الموف؟
ولاً ألوان حياتنا
مابقاش ليها طعم
مابقاش فيها روح
ملقف لكل هَبُو
زى السطح المكشوف
الدنيا تبدر فيها
فرافيت ذكرى قديمة

تكنسها وبتخفيها
زى البيت المسكون
مش عارفة ليه قريّب
حاسة هيكون فيه معاد
وهنختم فصل حياتنا
عند جناب المأذون؟!!

جعااااان؟؟!!

الصبح كنت جعان
عَمَلْتُ ساندوتش
نازل كدا هو على مهلى
لقيت العجلة نايمه!!
خلص النهار يا ولاد
وانا لسة مابتديتش!!!
فُصْرُه..
وباختصار..
أخذت بعضى ف بعضى
ونفخت فى الكاوتش
أتارينى نفخت جامد
ونَفَسى كان متهربد
قلبى انجرح من جوة
قماشته اتنسلت
واتفرتك ألفين حِتَّة
كشراب هَشْ استرتش
نَفْسى اتسدت ع الآخر..
رجعت تانى فوق
وزعلت زعلة كبيرة
من حزنى كَلَّت الورقة
ورميت الساندوتش!!

يا جدو..

الواد حمادة قاللى
يا جدو خُدْ لبان..!!؟
يا واد الله يجازيك
وانا يعنى لَيَّا سنان؟؟!
دى حاجة بقالها سنين
دا عمر راح وكان
أيام ما كنت بطرقع
ولا أندل دون جوان!

سألنى الواد حمادة..
يعنى مالكشى سنان
ولا سِنَّة واحدة يا جدو؟
والصورة فراغ كبير
زى بُقِ التعبان؟؟

يا واد الله يجازيك
فكّرنى كلامك بيها..
أمى الله يَمَسِّيها
كات دايمًا تمسك كُمِّي
وتقوللى إلهى يا ابنى
يكفيك غدر اللثيم
يكفيك غضب الحلیم
ومجلسة التعبان
ولسعة اللبان..

محلاها عيشته؟؟!!

يا سيدى أنا فلاح
بالأجرة بعيش أجير
لا طایل سما ولا أرض
من یومى بستجیر..
الله یسامحك یا بیرم
تقول علیا برضه
محلاها عیشتہ وأرضه؟؟!!
لا والله دا کثیر..

أرضه دا إيه یا ابو أرضه؟؟
دا ما قالهاش الغریب
خلّیها تیجى من غیرك
من عُمدة ولاّ غفیر
ما انت زینا موروب
محسوب ومش محسوب
بتنام بالشقلوب
وعارفین خط سیرك
طب ما انت یا خویا یا بیرم
زینا محروم م المیلم
منقوع فى طین أراضیک
تحضنها وتدادیک
مع إن خیرها لغيرك..

الله يَحِطُّكَ يا بَيرم
ضحكت وماليش نفس
وارث وماليش ولا ورث
بقى انا مطمئن قلبى؟!
مرتاح مقلوب على جنبى?!
وحياة ربنا دا كتير
يا بويانا فلاح
لا طایل سما ولا أرض
جدود جدودى أجیر
وخلص يا عم بَيرم
تُقل الهموم كوَعنى
ورسمنى بالطباشير
حطيت..
برکت..
غرزت..
وجناحى ماعادش يطير..

غلطتى

رمضان يحب اللمّة
الجوز واللوز والفزندق
واللمّة تحب قعدة
خشاف وتمر وبنديق
لكن أجارك الله..
من ضيف رزيل تقيل
يبجى يرباط ويلبد
يربّع رجله ويلزق
ولا تَقُل الجنزيل!

دى حاجة أف تُخُنق
يقوللك بلدياتك..
ومن ريحة حماتك!
كذاب فى أصل وشه
ومعبى الدنيا ف كِرشُه!

لكن أرجع تانى واقول
الغلطة غلطتى..
النايبة نايتتى..
سيكت على رزالاته
رضيت بموشحاته
وهو ضيف تقيل

سَمِّج يا باى عويل
يا ريتنى ما جيت الفردق
دى حاجة أف تخنق
محتاجة صبر جميل
عايزة تكتيك طويل!

واليوم شدّ التانى
والنملة جرّت فيل
والأوضة بقت أوضتين
وهوب بقدرة قادر
بقى هو صاحب البيت
وانا الضيف الثقيل
بتاع من غير ودنين...!!؟

حاجة والله عجيبة
أغرب م المستحيل
حدّش شاف الطيابة!
حدّش شاف الخيابة!!
دا مزّيز كل البندق؟!
أنا اللى جييته لنفسى..
راح واكل كل أكلى
وشارب كل حاجتى
وانا اللى نابنى إيه..؟؟
يهرى قفايا بالفزدق!

ما بقاش..

بالليل والشارع كُحل
كنت انا راجعة من الشغل
شايلة م الدنيا شوية
متخافعة ومكسور خاطر
والوقت اتأخر بيا
الحقة كات مقطوعة
ولا سريخ ابن يومين
وانا واقفة لوحدى خالص
زى التليفون الأخرس
اللى حرارته مقطوعة
مالوش بطاقة فى الدنيا
وسماعته مرفوعة
يعنى بالاختصار
شجرة جذورها مخلوعة..

فجأة لقيت خيال
راجل كبير قدامى
ماعرفش طلعلنى منين..؟!
لوحده من غير ما اطلب
وَقَفْلَى أول تاكسى

فتحلى الباب بنفسه
وشاور للسواق..
والكرسى الفاضى جنبه
شوفها رايحة على فين
يالاً بنتك معاك..
بصيته من الشباك
حاولت أشوف ملامحه
لكنه بسرعة جرى
ماشوفتش أى حاجة
إلا حنية قلبه..

فعدت بينى وبينى
طول الطريق بفكر
بلعب فى خصلة شعرى
طول الطريق وأنا قاعدة
مشدودة وفاردة ضهرى
وكأننا عز الضهر
ربك لما يحبك
يبيع لعبده قشة
لقيت دماغى شوفت
ذكرى حلوة بتتمشى
والشارع مابقاش كحل!

حبیبة هاملت

أوفیلیا نَدَهِتْ هاملت
فِی رُكنة هُناكَ عَلى جَنبِ

مالِکِ یا لولو مالِکِ
یا عَطر الرُوح والقلب..؟؟

وَحیاتُکِ إَنتِ یا هاملت
وَتِلاتة عَظیم حَلِغان
صَدقَی یا کُل عَمَری
ما لَیّا أی ذَنبِ

طَب احکَم إَنتِ یا هاملت..
أَنا قاعِدة کِدة سَرحانة
مَشغُولة بِیکِ هايمانة
جِه واحد قِیمَة کَبیر
جِواه صَعْلوکِ فَقیر
قال إِيه عایزَنی فِ کَلِمَة..
وَطَلَبَنی.. یَسْتأذَنی
عایزَنی.. یَسْتَلغَنی
یَعنِی یَسْتَخَدم إِسمِی

الراجل اسمه إيه..؟؟
الله يقطع أيامه
بايئه شكسبير!

ومغيش يومين والتانى
يظهر عَمَلْنى حكاية
ولّا بطة رواية
وانت أصلك أمير
حافظ طبائع الشعب
وكلام الناس كثير..

بينى وبينك يا هاملت
وانا واثقة سرى ف بير..
حسيت قلبى فرحان
طاير فى الكون طيران
واقف على راسه ريشة
يتنطط ولا طرزان
فجأة فى يوم وليلة
لقيت روحى مشهورة
والناس بتشاور..
بُص..
صورتى اخلوت أمورة

ويعترف انى شوية..

شوية بقيت مغرورة!

لكن مش عارفة ليه

فجأة فى يوم وليلة

حسيت فى قلبى نغزة

وكلامى ناقص همزة

ماقتش عارفة نفسى

الدنيا جهنم حمرا..

وانا بيضا زمهرير!

حره فى كل كتاب

لكن فى سجن حرير!!

ماقتش عارفة نفسى

أنا هى حبيبة هاملت؟!

لوحده هو ويس؟؟

ولّا عشاقى رموك

فى آخر الطوابير؟؟؟

أنا هى حبيبة هاملت...؟؟!

عايشة من لحم ودم

ولّا بقيت سراب

بتمرجح ع الضباب

وكل قيمتى وردة

فى عروة شكسبير!!

طبّطب عليّ هاملت
بقى هو ذا اللى مضايقك!!
يا أوفيليا..
يا حبيبتى..
يا أوفيليا إنتى قصر
أنا وحدى ساكن فيه
عايش أحج ليكى
ميت مرّة فى ساعة واحدة
م الفجر لحد العصر
الناس فرحانة بصورتك
وانا بس معايا الأصل

طبّطب عليها هاملت..
يا ريتك يا أوفيليا
يا ريتك كل يوم
تاخدينى هناك على جنب
أسمعلك وتسمعينى
أفهملك وتفهمينى
علشان أحبك أكثر
يا خلاصة الروح والقلب..

باردون يا أونكل

عمُّو رمسيس الثانى
متشحط فى الميادين
تمثاله شالوه.. جابوه
ألفين مرّة وتسعين!!

فى ساعة هدنة بسيطة
والشيالين نايمين
حبالهم مرخرخة
وراسهم مدروخة
لقيت رمسيس افندى
مريح شويتين
بيهرش فى الفانلة
مغمض عين وعين..
بخفة ريح قرّبت
شاف طيفى..
هَمْ وَقَطْ
لكنها قَطّة بسيطة
محسوبة برمشة عين
الراجل برضه ملك
متبهدل بس ملك..
إسكندر بلا قرنين

يا عُمُو لو سمحت..
ممکن تحکیلی عنکو
أقصد عن الفراعین
وفضلت اشرح وافسر
لکنه ماعبرنیش..
أُخرجت وانخرست
ولّا أکونشی انطرشت
أمشی ولّا مامشیش؟؟
طیب.. أجرب تانی
ما هو یمکن ماسمعنیش؟؟

ممکن باردون یا أونکل..
تحکیلی عنکو شویة
واهو لسة معانا وقت
کدا کدا قاعد سهران
وحياة عنیک الحمر
العربیات ماجاتش
الأوراق ماتملّتش
یعنی عُقْدَة تمثالک
شنیطة مانحلّتش
لسة قدامنا شویة
والصبر أصله مُر
ربنا یدینا العمر.....

يادوبك ربع عين
فتحها وبَصَلِي
طأطأ رجله لتنين
وقاللى..
إنزلى!!!!
أنا مش سوق التلات
أحكلك يعنى إيه؟!
شايفانى كِنُج واقع
نصاب تلات ورقات
ولّا اكمنى فى الشارع
هنلخبط فى المقامات؟!!!!

مع ذلك هحكلك
ماهو زيك زيهم
نفسك تعرفى أسرارنا
وبنينا إزاي أهرامنا
يا سلام على مخهم?!!

كل الحدوة يا هانم
تنقال فى كلمتين
يا حلوة انتى يا سفروته
إحنا زرعنا أمجادنا

على صفحة خد النيل
علشان بنحب بلادنا
بنبنى.. مش بنزيل
آهى دى كل الحدودة..
حلوّة ولاّ ملتوتة؟!

سُكُت خالص.. خالص!
كلامه صحيح وجعنى
بصيت جنبى ع الأرض
لقيت كيانى ناقص..
قلبى ادشِدِش مكسوف
زى القطن المتلوف
وسُكُت خالص.. خالص!!

بربع عينه الثانية
رمانى بالسؤال..
يا حلوّة ياللى جنبى
دلوقتى الدور عليكى..
من فضلك.. لو سمحتى
احكىلى عنكو شوية..
لكن دايمًا افكرى
إفكرى وماتنسيش..

إنتى جيتينى برجليكى
وَقَلَّفْتى كل راحتى
لو كان فى زمانكو راحة
وانا ماعاتيتكيش..
علشان تتأكدى إنى
فرعون كما أجدادى
سبور وديموقراطى
ولا كنت ديكاتور
ولا عندى قرن تور..
فى عظمتى ماتلاقيش
قولى يا بنتى.. سامعك
دلوقتى الدور عليكى
احكىلى عنكو شوية
بصراحة وماتخبيش..

سُكُتْ خالص.. خالص!
سُكُتْ خالص.. مالىص!!
قَلِّبْتِ رفوف دماغى
مالقتشى حاجة اقولها
وعقلى منى طار
سَهَّمْتِ..
ضربت لخمّة...

من خجلى قلعت الجزمة
والأرض سخنة نار !

مالقيتشى حاجة اقولها
حاولت اقوم على حيلى
لقينه تحت غاطس
سُكْتُ خالص.. خالص!
سُكْتُ خالص.. مالص!!

وطّى أونكل شوية
كتافه.. مش مناخيره
أبْنَى فى تون سخرية
وقلقل فوق سريريه..
بقى حِتَّة نقلة بسيطة
تعملكوا محتاسين؟
تسيبكوا ملخومين؟!
يا خيبة أملى فى نفسى
خليكى فاكرة يا بنتى
إن انا عمك رمسيس
اللى دوّخ أبيس
أول مرّة فى حياته
يلعن حاله ويشكى..

أول مرة فى مماته
يتمنى يرجع عيل
مايشيلش أى هموم
ويضيع فى الدنيا يحبى
يا خيبة أملى فى نفسى
خليكى فاكرة يا بنتى
إن انا عمك رمسيس
أول مرة ف تاريخه
بسببكو إنتو ينزل
وهو كنج عظيم
يركن ع الحيط ويبكى..

الله يخليك

يا عم مصوراتى..
أنا باجى كل يوم
فى نفس الساعة تمام
محبوسة فى شير مية
لايصة ف حل الفوزرة
بقالى عشرين عام..

يا عم مصوراتى..
ريحنى الله يخليك
مش عارفة أنا اللى عاقله
ولّا إنت المجنون
للمرة الكام مليون
أحمض صورة فرحى
تطلع نفس النتيجة
حاجة يا ناس عجيبة؟!!!

عريسى ببدلة بيضا
واقف يومىها يُّبرِّق
وكل الدنيا زاهية
حتى الدوشة بتبرِّق

إشمعنى أنا الوحيدة
اللى صورتها بتفُلت..
يا عالم فيه عروسة
فستان زفافها إسود؟!!

يا ابو كاميرا فلاشها بَگش
وقلبك قلب خشب
إذا كات قماشته بيضا
بخيوط فتلتها بيضا
وحياة دماغ أجدادك
قوللى إيه العلاقة
بين الأبيض وإسود؟!
أجيلك البطاقة..
أحلفك بالصدقة..
يا جناب سيادة القاضى
وغلاوة المَعْمَل عندك
أنا عايزة اطلع براءة!

ضحك المصوراتى
يعنى بيقوللى إمشى
آهو دا اللى باخده منه..
نظرة ماتفهمشى

آخر مرة نرفزنى
وربّالى الخفيف
مش راضى برضه يجاوب
يا لطيف منك...
يا لطيف!
آخر ما زهقت منه
خلّانى قلّيت عقلى
شدّيت منه النيجاتيف
نقيت منه الشراشيب
ووديته التنضيف..

وكات نتيجته إيه؟!
ع الفاضى تعبّت قلبى
برضه فستانى زفت
بلون وش الأسفلت
لحد ما قلت خلاص
خلاص بجد قرفّت..
جيت النهاردة جِلِفّت
لجيب عاليها واطيها
لو ما معايا اتعدلت
لأمرمغ قلبك زفت..

ضحك المصوراتى
إياك تقوللى إمشى!

لكن حاجة غريبة
أول مرة يندهنى
أول مرة يسمعنى
خَدنى من إيدى هناك
وفتحلى آخر ضرفة
يا رب حاجة تنفعنى..

شايفة قدامك إيه..؟؟
لا فيه خاتم سليمان
بَسْحِر بيه الأفلام
ولا شاييل عندى مَصْفَة
بتغَيِّر الألوان
أنا راجل عادى جداً
وساكت علشان خاطرك
ومقدّر جداً حالتك
وقلبك التعبان
وانتى عارفانى كويس..
ضميرى لا ينام

نظراتك ماتخوفشى
وكممان مابتهددشى..
عشرين سنة وانا ساكت
سايبك تحاولى بنفسك
سألتي كل الناس
ونسيتي تسألنى نفسك!
ملخومة فى الفستان

بُصِّى فى الصورة كويس
الإسود مش فستانك
لا عليه بقع ولا طين
ولا طايئله نفتالين
ولا خيوطه ملطوطة
دا سره عندك إنتى
دا لون قلبك حزين..
أنا فاكر يومها كويس
وانا واقف بصورك
والعدسة عليكى مطبوطة
شوفت فى عينك دموع
الله أعلم ليه..
دا سره عندك إنتى
إنتى ماكتتيش مبسوطة!

وانا يعنى عملت إيه..!!؟
أنا واحد مصوراتى
فى الهيصّة بعدى مابانشى
إيدى مش فاضية أبداً
مشغولة مابسلّمشى
أنا راجل دوغرى صريح
دنيّتى لحظة صغنتوتة
صوتى تكة كتكوتة
وبرضه مابتهددشى..
هاتهدد يعنى بإيه..
واتهدد أصلاً ليه.....
وانا رزقى يا دوب فتفوتة!!؟
سنين تفوت وايام
وبرضه مانيش عارفة
لسة إجابة السؤال
يظهر و الله أعلم
لساكى مش مبسوتة!!

تعرفى إنتى الوحيدة
اللى شاغلة حياتك
بسواد لون الفستان..

أنا متأكد لو إني
صوّرت كل هدومك
برضه هتطلع عفريتة
ممنوع عنها الألوان..

أنا راجل مصوراتي
بنقِل وما برسمشي
لحظة ما بطولشي
وانا هاعمل إيه لو كانت
الكاميرا ما بتكدبشي..!؟

يا شيخ!!!

طول عمرى بشوف فى السيما
الشيخ لازم بَعِمَّة
قيمة..
نضافة...
قيافة....
جهوذ فى أمور الذمة
كلامه زى السيف
لا حلول وَسَط ولا إما..

الله عليك يا شيخ
طول عمر الراجل دا
اللى فى الشارع الثانى
نسخة وطبق الأصل
من كل بتوع السيما
تقوى وورع وشجاعة
إيده الشمال فيها سِبْحَة
صوابه راسمة خريطة
وعارفة لفين مِتْجَهَة
بتَعِد حَبَّة.. حَبَّة!
تظبط عليها الساعة

نواياه عارفة سكتها
طبيب عارف ديتها
حلواني ع الموضة ومُقبل
عنده حلول المُشكل
من غير حقنة وسماعة!!

وشه قمر بشوش
مثقف أوى على حق
كتابه فى حِجره دائماً
من إيده مايسيبوش
لحد يوم الساعة
فى كل شىء يتكلم
معاه قديم وجديد
موسوعة مابتهمدش
ومنه نستفيد
ولعة هايجة ف ولاعة
دا حتى من قيافته
مغطّى دائماً كتبه
بجلدة تخينة عريضة
مكبوسة كاللحاف
نقشيتها تحفة ثمينة
قلبها زُيه شفاف
منقوع بودرة وداعة

لكن أقول بالحق
الشيخ داهو المذكور
اللى فى الشارع الثانى
أنا أصلاً عمرى ما شوفته..
أنا بس سمعت عنه
من ناس مبهوره بيه
وهما كمان رخرين
سمعوا من ناس جيرانهم
لكن أقول الحق
أنا فعلاً عمرى ما شوفته..

لحد ما مرة رُحت
قعدت فى وسط الدرس
الناس كتار.. كتار
متجمعين فى بيته
مفيش مكان لرجل
وكان الشيخ بيشرح
بصوت ملايكى همس
مالوش دعوة بالشارع
لا ياخده صوت بيّاع
ولا معزة بتقول ماء..
ولا رجل بتدهس دَهِس

واثق تمام فى نفسه
متأثر بالعلماء
متبحر فى الأشياء
ببقيس ع الشتا والشمس
والناس البُسَطا قاعدة
والناس البُسَطا واقفة
بعيون واسعة مذهولة
منتشية أوى من فنه
ومهما يقول مقبولة..
ملعون أبو خاش الهلس

مرّة فى مرّة لاحظت
تقريباً.. تالت درس
إنه بيقول كلام
بدائى جدّا عادى
اللى بيقوله يعيده
واللى يعيده بيزيده
حافظ لكن مش فاهم
بيقول لكن مش حاسيس
بيعوم فوق الموضوع
ولا أجدع شورية عدس!
لكن وقت اللزوم

وعشان اللعبة تَكْمَل
يتشحتف كام شحتوفة
وينهنه كام نهنوهة
ويعيط أوى من قلبه..
وهاتك كَحْ وعطس
حافظ لكن مش فاهم
ممثل جامد جداً
أسلوبه سحرى نواعم
بيقول لكن مش حاسس
بس انتباه يا دانس!

بصراحة اتغطت منه
والشئ زاد عن حُدّه..
قمت اسأل وسط الدرس
على حاجة لناس جنينا
ويا ريتنى ما كنت سألت
لأنه صدمنى صدمة
صدمة حقيقى متينة!
مش بس جاوبنى غلط..
دا قَلْبُهَا ابن الذين؟!!

يا سيدنا الصبح كلام
عكس اللي قلته تمام..
وانا ساكت طول الدرس!
قاللي أقعد يا شيخ
أنا رأيي كله حِكَم
وعلمي مافيهوش لَبْس!!

يا عم يا ابو ميت سِبْحَة
سيادتك كدا غلطان
بتأوح بس ف إيه؟؟
ما بلاش العين البجحة..

غضب الشيخ الحليم
نَطُ عليّا هياكلني
والناس طبعا وراه
وانا مش ممكن أتراجع
الجهل دا بيقتلني..
آدى يا سيدى الدرس
واللى أخذناه من الدرس
وف وسط الزحمة هوب
خَطَفْتُ منه كتابه
نفسى أعرف أبو جهل
بيجيب منين جوابه!!

نَطَّيْتُ فَوْقَ الْحُفْرِ
وَرَيْنَا بِنَقَرِ إِيَّاهُ..
مَخْبِيَّ عُنْوَانَهُ لِيهِ؟؟
يَا أَبُو عَقْلٍ كُلَّهُ نُقِّرْ
وَافْتَحْكَ الْكِتَابَ..
أَفِرْ فِي الْأَبْوَابِ..
لَقِيتَ عَجَبَ الْعُجَابِ!
يَا عَالِمَ يَا نَوْرَ؟؟!!
يَا جَاهِلَ وَاتَسَعِرْ...؟؟!!
أَتَارَى الْجِلْدَةَ الْفَخْمَةَ
جَوَاهِرَ مَجْلَدٍ مِيكَى!
وَالشَّيْخَ بِنْدُقِ صَدِيقِي
وَلَا يَعْرِفُ أَصْلًا يَقْرَأُ
وَفَاتِحَ الْمَجْلَةِ
يَتَفَرَّجُ عَ الصُّورِ!!

فُجَاءَةً لِقَيْتَهُ فِي حُضْنِي
رَشْنِي بِدُمُوعِ أَنْهَارِ
وَدَعَا رَبَّنَا يَسَامَحْنِي
وَيَشْفِينِي مِنْ جَهْلِي
أَنَا الْقَاسِيُ الْجَبَّارَ؟؟!!

آدى يا سيدى الدرس
واللى أخذناه من الدرس
لسانه حلو لكن
كلامه كله هَلْس
عمره ما سكن العِلْم
دا ولا مطايرد الحارة..
الشيخ ابو سِبْحة وعِمّة
أبو سُمّة عاملة غارة
كلامه مؤثر جداً
ممثّل جامد جداً
بس العَرَض يا خسارة
بارد كلامه فاضى
متعوس وعامل قاضى
طردته من دماغى
وشدّيت الستارة..

ومجرد خرجت برّة
وخَلّصونا من بعض
رجعتله الناس يا خسارة
وكإن ما حاجة حصلت..
ماحدش راضى يصدق
إنه ملاوع ورمّة!

فضلوا يهزُّوا فى رجليهم
ولفوق يرفعوا فى ايديهم
يحلفوا بحياة الشيخ
نوّارة كل حى..
أبو توب اخضر وعِمّة!

مانكرشى انى اتعلمت
أهم درس عنده
السوسة قليل الذمة
اتعلمت على أصوله
إزاي تغش الناس
بكلمة ودمعتين
بسبحة وكتابين
وتلبّسهم ميت عِمّة !

طنط ام حازم..

حلمت مرّة يايبيه..؟!
جِلم يا عالم راوشينى
خير يا رب خير..
اللهم اجعله خير..
بواحد افندى منمنم
شاب حليوة ومقسّم
إختارنى أنا بالذات
من بين كل الستات
وقال عايزنى يعنى..
يعنى عايزنى يعنى...
مش عارفة أقولها ازاي.....
لسانى مكسوف منى
يا خرابى..
يانا يا حوستى!
أصله بصراحة عايز..
الواد عايز ييوسنى!!

طيران أخذت حلمى
وحاجات لزوم القعدة
خبّط.. خبّط ع الباب

براسى ومشط رجلي
يا طنط أم حازم..
إفتحى الله يخليكى
عايزة احكيلك على حاجة
الدم فى مخى بيغلى
بسرعة شوية فى عرضك
مش عارفة أمسك نفسى
أنا خايفة لا الواد يجرى!

حكيت لجارتى حلمى
من طرف الباب للباب
دى ست كريمة بحبوحة
مكشوف عنها الحجاب

خير يا رب خير..
اللهم اجعله خير..
قوليلى يا روح عين طنط
أنا عايزاكى تحكيلى
وان لزم الأمر اشكيلى
جاوبينى بكل صراحة..
الواد ابو بَقْ عسل
وعنيه كريزتين قَرط

بأمانة يا شيخة لتقولى
حلفتك وحياة جارتك
يعنى..

لا مؤاخذه يعنى...
واحنا ستات فى بعض
الواد المقروص دا
باسيك إزاي بالطبط..؟؟!!

وشى جاب لونه سمنى
كإن تعبنا لاشنى
إيه دا يا طنط ام حازم؟؟!!
دا سؤال مُخرج للغاية
وحاجة عويصة خالص
وانا كنت حاسة بحاجة..؟؟!!
دا بس قَرَّب منى
وقَعْتُ واتخصيت
بالعربى كنت هسورق
وف جلدى إترميت
وشوطت برجلي الدورق!

قامت ورايا تنهج
وعنيها شرار بتلمع
والنبي لتقولى يا بنتى
دا انا برضه زى أختك..
وحياة أيام الجيرة
يقطعنى لو اجيب سيرة
وارغى فى كيت وكيت..
قوليلى يا روح عين طنط
وغلاوة أغلى ما عندك
الواد الجبار دا
باسيك إزاي بالطبط!!!!

لمّيت بعضى فى بعضى
قربت منها شوية
وانا جسمى كله صهد
يا ريتنى ما كنت جيت..
طيب حاضر يا طنط
طيب لكن بشرط..
هو صيفلك بس فى ودك
علشان بس الرقابة
واللى هيقرؤا فى البيت!

حكيت بكل أمانة
وَصَفْتُ بكل دقة
بالتفصيل الممل
ومشيت حتّة حتّة
لحد آخر جتّة

لقيت طنط ام حازم
فى وشى يوم انفجرت
زى اليركّه اللى طَفَعِت..
شدّت ع الباب ترباس
لاصت زى المحتاس
وراحت تُصْرُخُ جنبى..
حبستنى تحت السُّفْرة
واللى طلع عليها..
هاتيلى صورة الواد دا!!
أنا عايزة صورة الواد دا؟؟!!
لمّت علينا الناس
مش فاهمة جرالها إيه..
الحاجّه أم حازم
مابقتش هى طنط!
جسمها قَرَقَط من بعضه
إعصار بيهد الشقة

ولسانها بقى برابط!!
نزلتُ عليها قوة
ما عرفش إيه مصدرها؟!!!!
جَدَدْتنى من رقبتي
وايديها قَفْشَة ف يَاقَتى
قَرَصْتنى فى كل حَتَّة
إتبهدل حالى وأملى..
الليدى أم حازم
جابتنى لمس كتاف
وانا تحت باطها بناضل
وبخوض معارك أشرس
من حرب الاستنزاف..

وأخيراً بعد عذاب
أخيراً عَتَقْت زورى
ما فهمتِش منها حاجة
غير هى كلمة واحدة..
عايزاكى فى حاجة مهمة
ضرورى..
ضرورى.....
ضرورى.....
خير يا رب خير..

تفسير الحلم إيه؟؟

اللهم اجعله خير..

بصّيتلى أم حازم

بصّة حنان فظيعة

وكمّلتها بضحكة

بصراحة.. ضحكة رقيقة

ماعرفش جابيتها منين؟!!!

وقالتلى بلهجة خبيرة..

تعالى جنبى يا جارتى

يا حلوة وفاقعة مرارتى

دى مش أحلام يا حبيبتى

دى رؤية يا بنت الإيه!

ومنام نازل من فوق

ياما اترجيته يجينى

عمّلتله كل طريقة

بالعافية أو بالذوق..

لكن انتى..

يا حلوة..

يا جارتى..

طول عمرك كدة محظوظة

ما يحوأ فيكى حسود

من عين طَنْطِكَ محفوظة
أبوس إيديكى يا بنتى...
الواد الحلو دا
لو جالكِ فى منام تانى
لابس كاوتش وخيش
إنشالاً يكون عفريت
مشفوق نصين بالطول
وقاللك كانى ومانى
أو دكان الزلبانى
كل اللى مطلوب منك
تفتكرى أم حازم
خالتك..
حييتك.....
جارتك.....
أنا راضية ومستنية
على عينى قاعدة يا عنياً
باصيهولى هنا على طول..
وأنا أحلفك بشرفى
وحياة الملعون حازم
اللى بسببه لغوا إسمى
وبقيت سيت ام حازم!
هستلفه بس حبة

هاخده لفّاية واحدة
وارجع هولاك تانى
على بعضه صاغ سليم
ومعاه ضمان متين
أصليكَ إنتى مش عارفة..
إبنى..
المدعو حازم
إبنى...
المؤذى جدّا
لثيم وابن لثيم..
جَتّه شكّه فى كل ضروسه!
إمبارح جُم أصحابه
مسكوه..
ضربوه...
عجنوه...
علشان بيلوى بوزه
قرفان دايمًا ميتكهرَب
عمره ما ضَحَّك فى وشى
ولا بل ريقى بكلمة
غاوى عيشة النكد
يموت أوى فى النكد
كئيب طالع لابه..

الله يلعن أبوه!
هو وكل اللي جابوه!!
تؤمنى بالله يا شيخة..
ساعات بشوف لتنين
الواد حازم وابوه..
شريط فاضى ومسوس
بيسيف ع الوشين!!
أبوس رجليكى يا ستى
صاحبنا الحلو دا
لو جالك فى منام تانى
أو قالك كانى ومانى
وحياتى.. أمانة عليكى
ولّا تعدمى والديكى
لتوصفيله عنوانى
شاوريه على باب بيتى
أو دلدليلى السبّت
عِدّى واحد ونص
نص وواحد بالعدد
تلاقينى جوة حجرّك
مدد يا عنتر مدد!
وحاجة م الاتنين..
يا هريت معاه فى السر

ولياً عُمر جديد
يا يشوفه الواد وابوه
يغلى الدم فى عروقهم
ويغوروا لتنين ف حديد!
الوصفة بسيطة خالص
عنوانى مايتوهشى..
"شقة طنط ام حازم"
اللى عايشة مع كارثة
مخاليق مابتفهمشى
اللى الفرح بعيد عنك
ناحيثها مابيهوبشى!

مسكينة أم حازم...
عاشت نَفْسَهَا فى الضحك
ليالى كثير طويلة
باتت جعانة ضحك!
أحيانا كنت بكذب
واحكيلها على أحلام
عمرى ما شوفتها
عمرى ما حلمتها
علشان تنام مبسوفة
وتدقّ بأوهام
وتحقق حلمها

مسكينة أم حازم..
فُضِّلَتْ تحلم بالواد
حقيقة أو منام
علشان يجيلها هي
كانت جريئة جدًا
لكن جواها رقيق
كزهرة مستحبة!
لكن مرّت ليّام
والواد لا عمره خبط
ولا باسها فى الأحلام
وفاتها مستتية..

أنا كنت بحبها موت
دى حتى لما سابتنا
والدنيا فضيت جنبى
ما بقتش لاقية حد
أكذب واحلم معاه..
أنا كنت بحبها موت

ورغم إن فراقها
كان جدًا صعب عليّ
لكن برضه ساعتها

غصبي عني فرحت
وقلت لنفسى يمكن..
يمكن جارتى ام حازم
وهى عابشة هناك
تكون قاعدة وياه
وتعوض صبرها خير
خير يا رب خير..
اللهم اجعله خير..
وتلاقى ناس بتفهم
تعرف قيمتها الغالية
وتقابل واد يستاهل
تضحك بجد معاه..

نشرة أخبار

التلفزيون بتاعنا
عيان.. عايز تصليح
محتاج تطبيط قنواته
ومحايلة للمفاتيح
وحاجات كتيرة بسيطة
كلها مقدور عليها
لكن المُشكل فيه
إن الشاشة العريضة
صورتها منغبشة
مش نافع فيها تفتيح!

مش باين منها حاجة
لا انا شايفة دا مسلسل
أو إعلانات كدابة
أو فيلم كوميدى سقيل!
يعنى بالاختصار
التلفزيون متفَرِّتْكَ
ومالوش عمر افتراضى
مش نافع فيه توكيل
لازم له عَمَرَة كاملة
وعملية تجميل..

من إعلان الجرنان
جانى الراجل فى معاده
مشحّم زيت قرغان
لكن عَجَبْنى عناده
مِسِكُ الجهاز وهَاتَكْ..
حتتك بتتك وهَاتَكْ..
ماعرفش ليه كان جايب
قَادوم ومعاه منشار؟؟!
أنا طالبة صورة سليمة
مش ناوية اقلبه سشوار!!

سييته..
ماكلمتوش..
وليه؟
ماسألتوش..
خَبَطْ.. زحزح
فَكَّكْ.. دغدغ
حَوَّلْ.. شغّل
السلك شَطُّ شرار
وبعد خناق ومعافرة
فجأة بقدرة قادر
اتردت فيه الروح

وَقَلْبُهُ وَلَّعَ نَار..
جَابَ إِرسَالِ القنَوَاتِ
الصورة واضحة جدًا
ألوان شديدة فعلاً
زى ما سيبتته مضبوط
على شو المنوعات..

ماعرفش إيد الراجل
لَطَشِتْ فى أنهى زرار؟
ضاعت منى المحطة
اللى ماباشوفش غيرها
وَجَتْ نشرة أخبار..
إيه دا يا ربى دا؟!
مدابح واستعمار
فيضان فى ديل إعصار
دا غير براكين وزلازل
ومناظر قاسية مهازل
والليل مالوش نهار
كل الستات بُتْصُرْخ..
والرجالة بتعيّط...
ضحايَا فى كل مكان
ذل وسجن وهوان..

إيه دا يا ربى دا؟!
بقى كل دول أشرار!!

رجليّا خليت بيّا
وكان هيغمى عليّا
من غير ولا كلمة واحدة
حددت نص الشاشة
وحطيت العلامة
ونشرته بالمنشار..
ماكانش ينفع أرجع
لشو المنوعات
الوقت مش فى صالحى
It is tooooooooooo late
إزاي أعيش فى عالم
كذاب وقلبه مات..!؟

كفايه عليّا إنى
أخلاقى كويسة
لو شاشة الدنيا كدا؟
لو هى ضميرها كدا؟؟؟
مش عايزاها تتصلّح..
وانشالاً ما حد اتفرّج

وانا هوجع قلبي ليه؟؟!!
أنا عايشة مفرفة
الملح بتاعى قليل
يادوبك ترمسة
وانا هقرف روى ليه؟؟؟
يا انا يا الشاشة فى الدنيا
خلّى اللى يموت يموت
أمر الشاشة وسنينها
خليها منغبشة..

سيما أونظه

فى يوم من الأيام
طلعت فى دماغى فكرة
إنى من فجر بكرة
أقوم من نومى بدرى
أعيش حياتى شوية
مرّة يا دوبك من نفسى
هو انا مكتوب عليّا
أقضى عمرى بجرى؟!!!

الشمس دى ست جدعة
كلمتها كلمة واحدة
وشها لميع ورنيش
تانى يوم فى الميكروفون
جابت إيد هون بلاستيك
رَبطُها فى طرف الآستك
وزارتنى ع الطراطيف
هزتنى هزة لطيفة
دقّت خفيف.. خفيف
بعتلى صغيرة ذهبى
أنوارها مهفهفة

بدلال وزغللة
شاغلت خرابيش الشيش
قلبي اتنفض فى قلبي
إدّاها فوراً تصرّيح
دخلت وبكل براءة
بنتلى بيوت دفا
ودعتلى انشالا تعيش

صحيت فى معادى بالطبط
روحي أعلامها ارتفعت
نفسى للدنيا انفتحت
ولا أيام التلمذة
عايز احضن أى حاجة
عايز اعمل كل حاجة
أصل انا كيفى فنان
مبدأى إن الحياة
لعب وفن وأستذة
لو عملوا الفرحة شورية
هاخذ غطس ف حلاوتها
واشربها سفسفة!

يا دوبك هى ثوانى..
لبست واتشيك

سرّحت واتسبست
رشرشت من الكولونيا
اللى ف علبتها جديدة
حسّيت الدنيا حلوة
وايامى الجاية سعيدة..
شدّيت طرف الكُمام
مدّيت الياقة قدّام
بصيتلى فى المراية
لقتينى واد تمام
راضى بكل عيشتى
وزيادة فى الاحتياط
من باب الفلسفة
ألقيت نظراية أخيرة
وجريت طيران عشان الحق
معاذى ويا حبيبتى
حبيبتى عايشة فى قلبى
صورتها ماركة واحدة
جديدة زى قديمة
طول عمر مزاجى عالى
الدنيا تروح وتيجى
ودماغى هى دماغى
من يوم ما جيت للدنيا

وانا اموت فى فن السيما
مدمن ميئوس علاجى
واخذ الأفلام كعابى
أمى الله يكرمها
حدفتنى فى وسط الدنيا
وهى جنب ابويا
على كرسى فى البلكون
كانوا قاعدين فى السيما..
الناس سابت الشاشة
ودخلوا الفيلم بتاعنا..
وأوت جيت الدنيا
لغُونى فى القماش
اللى فاضل يا دوب
من توب ستارة السيما
لاعْبُونى بالتذاكر
حايلونى بالدفاتر
ودُقَّت طعم الدنيا
مِسْكْرَة كالبونبون
الوصفة تمام سليمة
ولقيتني فى دنيا تانية
الناس كلها فرحانة
كله يبارك لكه

مابقاش فيه فروقات
بين الترسو وبلكون
يا سلام يا دنيا جميلة!

من يومها وانا مجنون
عندى شَعْرَة فى دماغى
إسمها أفلام السيمما
حافظ تاريخنا كله
من أول شغل الجَد
لحد سيمما أونطه
وانزل يا ابن القديمة

أنا أصلى كدا ولا فخر
عَقَدْتُ قلبى شنطة
بدرتها نفتالين
وأخذت شريط السيمما
ربطت بيه على قلبى
ونقشت عليه فيونكة
شایل فيه الخزين
إفتح تلاقى ياما
كل رفّيع وتخين
لقطات.. أسماء.. تترات

نجوم.. إیرادات.. آفیشات
كل النجوم حبايبي
لحد زفت الطين

أنا يعنى كدا ولا فخر
حُجة فى السيما الصامته
وافتخر ان انا فنان
حافظ كل الآلبنده
صامم كل المشاهد
دارس كل المعارك
من أول النبوت
لحد صَرَب البُمه
وافتخر ان انا إنسان
دى حاجة سهلة خالص
طب دا انا من كتر فنى
فصيلة دمی عندى
يا إما أبيض ف اسود
يا إما بالألوان...

مايشيلشى ساعة أصلاً
حياتى مش تواريخ
كلها لقطات ومشاهد

يا إما صباح الخير
يا تتمسوا بالخير
عايش بطل مع نفسى
وف وسط الناس دويلير..
يمكن ماعرفش أقرا
لكن جوايا موليير..
مضيت مع روحى عقد
بيسموه احتكار
مفيش هروب من قدرى
يا الجنة يا إما النار
برطن كل اللغات
وبقول دادى ومونشير

وهعيش مكسوف من إيه..
آمال أنا عايش ليه؟!
فلوسى كلها ضايعة
على كل شغل السيما
اتعودت من صغرى
اليوم اللى اصحى بدرى
أروح اباته ف السيما
أجرى ورا الحفلات
أشوف كل الأفلام

أزاحم فى الطواير
واصبر
دا الصبر جميل
دى أحلى عيشة عظيمة

بعيش حياتى جوة
من أول إسم الفيلم
حتى نهاية النهاية
أعيط ويا حبيب
إتعرض للوشاية
واضحك جدًا من قلبى
على نضارة ف كباية
عينى تزوغ ع السنيورة
يا ريت اخدها معايا!
واموت فى جلدى موت
من عفريت العلباية!!

أحب كل شىء
متصّف فيلم روائى..
كوميديا سودا بيضا
توليفة فيلم غنائى..
أدوب فى لون رومانسى

وارقّص فى البكائى
على كل لون ولون
مادام ورا شاشة السیما
مفیّش حاجة تمنعنى
أبسّط نفسى فى حیاتى

يقولوا الفیلم جمیل
يقولوا ناقصه شطة
مالیشى دعوة خالص
أنا كل فیلم بیجى
إجبارى فى المقرّر
أشوفه مرتین..
المرّة الأولى مذاکرة
والمرّة الثانیة مراجعة
وعلى رأى عبمطلب
علشان انول رضاه
لازم اشوفه نوبتین!

الفیلم حلو.. ماشى
الفیلم قَنس.. ماشى
أنا قاعد جنب السیما
مش ممکن أبداً اسیبها

بلوجها وبلكونتها
دى ريحة أمى هناك
وكل عيلتى هناك
اللى شالونى ولقُونى
مايعرفونيش وباسونى
غريب عنهم وحمُونى
أنا حضن بلدى هناك

فى السیما كلنا واحد
كراسى صف واحد
واللى مش فاهم يفهم..
أنا قاعد جنبها
أنا واقف جنبها
ما انا قتلکوا من الأول
عندى لَطُشَة فى دماغى
إسمها أفلام السیما
صحيح بقالها مدة
عیانة عایزة علاج
والحُکما غلبوا خالص
فى حالة الاعوجاج!
لكن الدنيا بتتغير
وكل شىء بآوان

ياما حَصَلِتْ كَثير
أنا حافظ كل شىء
كله متشال فى الشنطة
فى جراب بطن الزير
اللى شايِل كَثير
ودايخ م الانبعاث!

هى كدة الحدودة..
يوم ليك وعشرة عليك
لحظه تعيشها بشوش
وسنين تبات مكبوس
لكنى أنا متأكد
لازم هيجى يوم
كل الفسافيس هتموت
كل الفقايع هتبوش
هيعيش الفن الحق
ويروح زمن المغشوش..

من سكّات

الليلة دى عيد ميلادى
أنا رُحت للحلوانى
سألنى معاك فلوس؟
دفعْت من سكّات
من غير ما اسأل بكام..

الليلة عيد ميلادى
وقفت اختار شموع
نقّيت كل الألوان
سألنى كام شمعاية؟
ماعرفتش الاقى إجابة
ما ترد عليّا يا إبنى
عمرک فى الدنيا كام؟؟

صحيح انا عمرى كام؟!
ماهو لو ع الشقا والغُلب..
عمرى ييجى ألف عام
ما هو لو ع الشوق والحب؟؟!
يا دوب عمرى أيام
ولو على شيبة أملى...
هعِدْ كل صوابعى

وطبعا مش هيكنقوا
وح استلف فوقيههم
صوابع الجيران!

أنا فُقت من سرحانى
على إيد بترجنى
سألنى كام شمعاية؟؟!
سؤاله هزنى
ماعرفتش الاقى إجابة..
لميت كل الشموع
ودفعت من سكات
من غير ما اسأل بكام

أسأل ولاّ ما سألشنى؟
أحسب ولاّ ما حسبشنى؟
فزورة كل عام..
مش لاقى ليها إجابة
ودايماً بسأل نفسى
يا ترى إزاي بيعدوا
أيام عمر الغلابة..!!
مش لاقى ليها إجابة
مش لاقى أى كلام..

ف عز الانسجام..

من بين سنون الشيش
شُوفته واقف بعيد
بيغنى للحصان
فرحان بصحبته ليه
وساعته مابتمشيش
كإنه ملك الدنيا
راكب ع التختروان
والناس بتهتف ليه
يا رب انشالاً تعيش..

غنوا على كل لون
الراجل ويا حصانه..
عربي صيني وهندي
بالنحوى واللاوندى
من أول زوربا وخوليو
لأدوار الطرابيش..

وعشان السهرة تكمل
والليلة تبقى أجمل
ماهانس عليها الدنيا

فرحتهم تبقى ناقصة
كَتَبْتَلْهُمْ جَوَاب
تحية ع الهوا
كلام غرامى تحفة
ملفوف فى صندوق بوسته
يساع لتنين سوا..

وعشان السهرة تَكْمَل
والليلة تبقى أجمل
السما حاشت غيومها
وانفقت ويا نجومها
تبعثلهم مقطوعة
نزلتلهم طيران
بالنوتة والأوركستر
مع مندوبها الكروان..

الراجل ويا حصانه
فتحوا لتنين فى الرقص
سامبا رومبا وتانجو
وادوها عشرة بلدى
على أجمل نغمة فالس..

الراجل ويا حصانه
اندمجوا وهات يا حُب
من غير ما يشيلوا هَمَّ
الدنيا كلها فُضِّيت
السكان راحوا على جنب
والباقي كله اتلَمَّ..
غير هَمَّا بس مفيش
إندمجوا وهات يا رقص
زى ما ترسى.. ترسى
يشيلوا الهم ليه؟؟
والدنيا دافعة حسابهم
وكمان سايبة البقشيش؟!

وخداهم الجلالة
سَحَرَة ومسحورين
عشاق ومعشوقين
فَصَلُّوا من الدنيا بحالها
ولا حَلَقَة الدراويش

وف عز الانسجام
عدى عليهم شاويش
كشَرى بدقن كَرَّتَه

منقوع إسود فطيس
خَضُ الدنيا بصرخة..
بتعمل إيه يا راجل؟؟؟؟؟
إنطق عشان تعيش..

أبدًا والله مفيش
بغنى مع الحصان
مبسوط وكله تمام..
إحنا ثنائى أنتيكا
نُبدِّع من غير مزيكا
مهما اتحطيت واتشلت
حَنِين ع الأسفلت
بنحب طوب الأرض
عايشين بالطول والعرض
أنا وحصانى أصحاب
بنغنى لكل الدنيا
كادو من غير تمن
ظابطين ساعات الدنيا
مصالحين الزمن

بَرَم الشاويش شنباته
وخذ حواليهم لفّة..

مين قاللك ارقص غنى
واعمل فى الشارع زفة؟؟
لهو انت فاكرها سايبه؟؟؟
تغنى لَمَّا تحب!
وتضحك لَمَّا تحب!!
تكونوش فاكرينها تكية؟؟؟؟
وانت صاحب الوسية؟!!
طب اسمع بقى يا خفيف
ياللى فرحان بشبابك
وفالِح بس تغنى
وبتكلمنى جنابك
كداهو بكل بساطة
وشايل التكليف..!!؟
إفتح ودنك يا خفيف
خُذ عندك الاتهامات..
البدلة بتاعتك دايبه
عجلة حصانك نايمه
وضوافره مش مقصوصه
بتخريش الرصيف
وفوق دا كله إيه..
لابس بردعة مسلوته
مكرمشة مش مفرودة

والجيرل فريند بتاعته
الهانم البرغوة
شعرها ع الموضه كنيش
مبلول عايز تنشيف!

أما جنابك يا خفيف
شَرَحَ اللستة يطوُل
خُذْ عندك الاتهامات..
بتغنى فى الممنوع
من غير تصريح مطبوع..
مقاماتك مش موزونة
صفرا زى اللمونة
وحصانك مش نضيف..
شايِل أحمال زيادة
ناموساية وراس هاموشة
وعايز يوم تشطيف..
حواجبه المنعكشين
واقفة على حيلها بتغلى
عايزة سنتين تنضيف..

يالاً قدامى يا راجل!!
لهو انت فاكرها سايبة؟؟؟

تغنى لَمَّا تحب!
وتضحك لَمَّا تحب!!
انجر معا يا خفيف..

ودا إيه اللى ناوى عليه؟
بتعمل انت إيه؟؟؟؟؟
برضه فاكرها سايبه..
سيب صاحبك.. سَحْبُه ليه؟؟؟!!
يا راجل ماتعلمتش؟!!
بقوللك مش هتأخده
أهو دا اللى ببقى فاضل..
أهو دا اللى ببقى ناقص..
إمشى معايا بالذوق
وارمى الحصان لوحده!!!!

من بين سنون الشيش
شوفته رايح بعيد
حصان من غير الفارس..
يبقى صديق وحيد
حصان من غير صحابه..
يبقى مشواره بعيد

من زعل الدنيا عليهم
اتلم سِرِبِ سحاب
كان شايف اللى بيحصل
قلبه يا عينى اتعَصَرَ
فجأه انكمش السحاب
كشكش وضحكه غاب
رصرص من العذاب
مطره كليش وداب
نظر إيده ع الآخر
واداها شوية مطرة
حزنان على الأحباب
وبعد بَخّه جريئة
اتمطع السحاب
رفع راسه وقال
خلى بالكوا يا ناس
شامم ريحة خطر
من كتر حزنه عليهم
رفع السحاب الراية
راية ثورة وإضراب
وقبل ما تغرق خالص
سنكر دُش المطر..
مع ذلك غصبِ عنها

السما خبَّتْ عنِها
بَكَيْتِ والدنيا هُوسٌ
وقلِّبها انْفطَر

حَدَفَتْ دموع رذاذ
ماقدرتش اشوف المنظر
أخذت بعضى بعيد
وجريت ورا الإزار..

دى حكاية تجيب الكافية
لميت نفسى بالعافية
ومسحت دموعى السايحة
بشوية مية دافية
ومشيت تاتا.. تاتا
رجعت تانى مكانى
وانا متبعتر كيانى
من بين سنون الشيش
أكملّ الحكاية
بين العبيد والسادة..
شوفت الحصان محتار
بردان فى وسط النار
بيرجف بالزيادة

ساب الحصان مكانه
ما خلاص مابقاش مكانه
إتحنجل نام على ضهره
فرش دموعه سجادة
قعد يهز ديله
وصوته منه انحاش
متكتف قدام قهره
واتكعبل بالزيادة
لغلف حوالين خياله
اتهدت كل آماله
بيدور على طيف صاحبه
عشان يرقصوا كالعادة
لقى حتة سكر واقعة
على وش يركة ساقعة
وقف الحصان مكانه
يقرقش حتة سكر
نزلت فى جوفه سادة
زعل الحصان من قلبه
مش عارف يعمل إيه
مشى خطوتين بضره
واعتزل السعادة..

المؤلفة في سطور

د. نهد إبراهيم

مواليد ١/ ١/ ١٩٧١ - القاهرة - مصر

ناقدة مسرحية وسينمائية وأدبية حرة.. شاعرة عامية..
قاصة.. مترجمة

حاصلة على ليسانس آلسن قسم اللغة الألمانية/الإيطالية -
جامعة عين شمس - ١٩٩٢

حاصلة على دبلوم الدراسات العليا للنقد الفنى - تقدير
امتياز - المعهد العالى للنقد الفنى - أكاديمية الفنون - ١٩٩٦

حاصلة على درجة الماجستير فى النقد الأدبى "شخصية
شهرزاد فى الأدب المصرى المعاصر" - تقدير امتياز - المعهد
العالى للنقد الفنى - أكاديمية الفنون - ٢٠٠١

حاصلة على درجة الدكتوراه فى النقد الأدبى "أسطورة
فاوست بين مارلو وجوته والحكيم وباكثير وفتحى رضوان - دراسة
تحليلية مقارنة" - مع مرتبة الشرف - المعهد العالى للنقد
الفنى - أكاديمية الفنون - ٢٠٠٦

لها العديد من المقالات والدراسات النقدية المتخصصة فى
الصحف والمجلات المصرية والعربية

شاركت كعضو لجنة مشاهدة واختيار الأفلام بمهرجانات
القاهرة والإسكندرية والإسماعيلية السينمائية الدولية

شاركت فى ترجمة وتحرير كتالوجات مهرجانات القاهرة
والإسكندرية والإسماعيلية وسينما الطفل السينمائية الدولية

شاركت فى إدارة ندوات محلية ودولية بالمهرجانات المختلفة
والمجلس الأعلى للثقافة ومكتبة الإسكندرية

شاركت كعضو لجنة تحكيم النقاد بمهرجان الإسماعيلية
الدولى للأفلام التسجيلية والقصيرة/ممثلة لجمعية نقاد السينما
المصريين - ٢٠٠٢

مثلت مصر فى لجنة تحكيم النقاد الدولية بمهرجان لوكارنو
السينمائى الدولى / ممثلة للاتحاد الدولى للنقاد/FIPRESCI -
٢٠٠٣

شاركت كعضو لجنة تحكيم بمسابقة الأفلام التسجيلية
والروائية القصيرة والتحرك بالمهرجان القومى للسينما المصرية
عام ٢٠١٣.

شاركت كعضو لجنة تحكيم بمسابقة الأفلام الروائية الطويلة
بالمهرجان القومى للسينما المصرية عام ٢٠١٧.

عضو فى

* جمعية نقاد السينما المصريين "E.F.C.A" التابعة للاتحاد
الدولى لنقاد السينما "FIPRESCI"

* جمعية كتاب ونقاد السينما المصريين

* اتحاد كتاب مصر

صدر لها

* **"دراما بلا حدود"** عن السيناريسست المصرى عبد الحى
أديب - إصدارات المهرجان القومى للسينما المصرية - ٢٠٠٠

* ديوان شعر عامية **"كلام أغانى...!!؟"** - دار النيل - ٢٠٠٤

* ديوان شعر عامية **"شكلى مش زى الصورة"** - إصدارات
مركز الحضارة العربية - ٢٠٠٥

* **"شهرزاد فى الأدب المصرى المعاصر"** - إصدارات
الهيئة العامة لقصور الثقافة - سلسلة كتابات نقدية - ٢٠٠٥

* تحرير وتقديم كتاب **"عناكب فى المصيدة/ ثلاث روايات روسية"** - المشروع القومى للترجمة - إصدارات المجلس الأعلى للثقافة - ٢٠٠٥

* تحرير وتقديم الرواية الروسية **"موزاييك الحب والموت"** - المشروع القومى للترجمة - إصدارات المجلس الأعلى للثقافة - ٢٠٠٦

* تحرير وتقديم **"كراسة مصر/ روايتان روسيتان"** - المشروع القومى للترجمة - إصدارات المجلس الأعلى للثقافة - ٢٠٠٦

* **"توفيق الحكيم من المسرح إلى السينما"** - إصدارات الهيئة العامة لقصور الثقافة - سلسلة آفاق السينما - رقم ٤٩ - ٢٠٠٦

* ديوان شعر عامية **"تفرج يا سلام"** - إصدارات الهيئة المصرية العامة للكتاب - ٢٠٠٧

* **"أسطورة فاوست بين مارلو وجوته والحكيم وباكثير وفتحي رضوان"** - إصدارات المجلس الأعلى للثقافة - ٢٠٠٩

* ترجمة وتقديم كتاب **"المخرجون - كلايت أول مرة"** - إصدارات المركز القومى للترجمة - ١٥٩٦ - ٢٠١٠

* ديوان شعر عامية **"فى بيتنا شجر التوت"** - ٢٠١٢

* المجموعة القصصية **"الكونت دى مونت شفيقه"** - ٢٠١٢

* ديوان شعر عامية **"كل كلام الأغاني"** - إصدارات مركز الحضارة العربية - ٢٠١٤

* ديوان شعر عامية **"يقولوا عليا حمار!!!"** - إصدارات مركز الحضارة العربية - ٢٠١٤

* ترجمة **"تحت مقص الرقيب"** - إصدارات المركز القومى للترجمة - رقم ٢٠٢٨ - ٢٠١٤

* **"قراءات نقدية فى العروض المسرحية"** - إصدارات مركز الحضارة العربية - ٢٠١٤

- ٢٠١٥ * **"سينما حول العالم"** - إصدارات دار العلوم للنشر والتوزيع

- ٢٠١٥ * **"دراسات سينمائية متنوعة"** - إصدارات دار العلوم للنشر والتوزيع

- ٢٠١٥ * ديوان شعر عامية **"عيشة تسد النفس"** - إصدارات دار العلوم للنشر والتوزيع

* **"موسوعة النقد السينمائي - تشكيل الوعي عبر القوى الناعمة"** - ٦ أجزاء - تجليد فنى - ٣٢٢٨ صفحة - ١٠٤٦ مقال - مقاس ١٧ سم × ٢٤ سم - إصدارات دار العلوم للنشر والتوزيع - ٢٠١٦

* **"قراءات نقدية في العروض المسرحية - تشكيل الوعي عبر القوى الناعمة"** - الطبعة الثانية - تجليد فنى - إصدارات دار العلوم للنشر والتوزيع - ٢٠١٦

* **"استلهام شخصية شهرزاد فى السينما المصرية"** - المجلس الأعلى للثقافة - ٢٠١٧

* ديوان شعر عامية **"يقولوا عليا حمار"** - الطبعة الثانية - إصدارات دار العلوم للنشر والتوزيع - ٢٠١٨

* ديوان شعر عامية **"كل كلام الأغاني"** - الطبعة الثانية - إصدارات دار العلوم للنشر والتوزيع - ٢٠١٨

* ديوان شعر عامية **"شكلى مش زى الصورة"** - الطبعة الثانية - إصدارات دار العلوم للنشر والتوزيع - ٢٠١٨

* مجموعة قصصية **"الكونت دى مونت شفيقه"** - الطبعة الثانية - إصدارات دار العلوم للنشر والتوزيع - ٢٠١٨

* سيناريو روائى **"دورى مى"** - إصدارات دار العلوم للنشر والتوزيع - ٢٠١٨

جذبت معظم إصداراتها انتباه قمم الجامعات الأمريكية الراقية لتحفظ بها فى مكتباتها مع نجاحات أخرى عربية ودولية.

تتضمن قائمة هذه الجامعات المرموقة:

هارفارد - ييل - أوهايو - برينستون - ستانفورد - كاليفورنيا، بيركلى - كاليفورنيا، لوس أنجلوس - كولومبيا - تكساس أوستن - إنديانا - بنسلفانيا - أيوا - واشنطن - نيويورك - براون - ديوك - متشيجان فى الولايات المتحدة الأمريكية

الجامعة الأمريكية بالقاهرة - الجامعة الأمريكية فى بيروت

جامعة بامبرج بألمانيا - جامعة مارتن لوثر بألمانيا

فى بداياتها ظلت تكتب شهورا طويلة مقالات نقدية سينمائية بمجلة الكواكب المصرية بامضاء "الأنسة كاف"

جوائز

*** فازت المجموعة القصصية "الكونت دي مونت شفيقه" بجائزة أفضل مجموعة قصصية ٢٠١٢/٢٠١٣ ضمن جوائز اتحاد كتاب مصر**

البريد الإلكتروني: nihadibrahim30@yahoo.com

رقم الصفحات	محتويات الكتاب
٣	إهداء.....
٤	كلمة.....
٦	كأنه كان ياما كان.....
٧	قولوا آمين.....
٨	زعلان.....
٩	يا بوى.....
١٠	شبر ف شبر.....
١١	من يوميه.....
١٢	رفعت راسى.....
١٤	عُقد الفل.....
١٨	إيسيسيه يا شارلى.....
٢١	برنيطه موثف؟؟.....
٢٥	جعااااان؟؟.....
٢٦	يا جدو.....
٢٧	محلاها عيشته؟؟.....
٢٩	غلطتى.....
٣١	مابقاش.....
٣٣	حبيبة هاملت.....
٣٧	باردون يا أونكل.....

٤٤ الله يخليك
٥١ يا شيخ!!!
٦٠ طنط ام حازم
٧٣ نشرة أخبار
٧٨ سيما أونطه
٨٩ من سكات
٩١ ف عز الانسجام
١٠١ المؤلفة في سطور

شبر ف شبر

صابر يا ناس
وعايش عمرى مستنى
على كرسى شبر ف شبر
بناغش روى وبغنى
أنا ذنبى إيه
وضيوف الدنيا أمم؟؟

رايحين

جاين

يدوسوا وشى المحننى
لَهْفُوا نصيبى
صادوا كل أحلامى
وأنا المؤدب أوى
مُت محروق دمي!



ناقدة مسرحية وسينمائية وأديبة حرة . شاعرة ..
قاصة ومترجمة حاصلة على الدكتوراة فى
النقد الأدبى ، لها العديد من المقالات والدراسات
النقدية المتخصصة فى الصحف والمجلات المصرية والعربية.



دار
النشر
والتوزيع

